

IKAW AY NILALANG NG DIYOS



Tungkol sa Diyos — ang ating Pag-aralan.

Ang unang lalaki at babae ay nilalang ng Diyos na kawangis Niya. Ibig ng Diyos na sila'y maging mga anak Niya. Mahal ng Diyos ang kanyang mga anak at iniingatan sila. Ikaw ay nilalang din ng Diyos at ibig Niyang maging anak Niya. Magiging maligaya ka kung gagawin mo ang nais ng Diyos na iyong gawin.



Basahin ito sa Biblia
Malakas mong basahin nang 5 ulit.

Hinugisan ng Diyos ang katawan ng tao buhat sa alabok ng lupa at hini-ngahan ito ng hininga ng buhay. At ang tao'y naging katauhang nabu-buhay. Genesis 2:7

Magagawa mo ba Ito?

Isulat ang mga titik na kapupunan. Kabuoan ng tamang sagot

1. **Ano ang ginamit** ng Diyos sa paglalang sa unang tao?

Ang a-----ng 1-----

2. Ano ang nais ng Diyos para sa iyo?

Maging 'a Niya.

Mga Sagot

1. alabok, lupa 2. anak

Ginawa ng Diyos ang unang tao na kawangis Niya
Guhitan ang mga salita mula sa ● hanggang ●

Ginawa ng Diyos ang unang tao mula sa alabok ng lupa.

Hiningahan ng Diyos ng Kanyang hininga ang tao.

Adan ang ipinangalan ng Diyos sa unang tao.

● Si Adan ay kawangis ng Diyos sa maraming bagay. ●

Si Adan ay



nakakakita at



nakaririnig.

Si Adan ay



nakalalakad at



nagsasalita.

Si Adan ay



nakagagawa at nakapaglalaro.

Si Adan ay nakaiisip at nakadarama.

Si Adan ay nagmamahal sa Diyos, gaya
ng pag-ibig ng Diyos sa kanya.

● Si Adan ay naging anak ng Diyos. ●

Minahal ng Diyos si Adan at iningatan.

Ang Diyos ay gumawa ng magandang taha-
nang hardin para kay Adan.

Tinawag niya ang Hardin na Eden.

Mayroon doong malilim na mga puno
maririkit na bulaklak.

May mga bukiring luntian at mga
ilog na malamig ang tubig.

Maraming magagandang ibon at
maaamong hayop.

Marami ring bungang-kahoy na
makakain doon.

● Lahat ng bagay na ginawa ng
Diyos ay mabuti. ●

Si Adam ay tumira sa isang daigdig na
walang kapintasan.



• Binigyan ng Diyos si Adan ng gawain.

Binigyan siya ng Diyos ng gawain ng mga kamay.


Si Adan ang nag-aalaga ng magandang **hardin**

Binigyan siya ng Diyos ng gawain upang gamitin ang isip.

Si Adan ang nagpangalan sa lahat ng mga hayop at ibon.

Tinulungan ng Diyos si Adan na maging maayos ang paggawa.

• Masayang-masaya si Adan sa paggawa ng anuman ipinagagawa ng Diyos.



DIYOS



Ibig ni Adan na malugod ang Diyos sa kanya. Bawat araw ay dumadalaw sa hardin ang Diyos. Nag-uusap ang Diyos at si Adan. Ang Diyos at si Adan ay nagmamahalan.

Kinagiliwan ni Adan ang mga maaamong hayop. Kinagiliwan ni Adan ang mga magagandang ibon.

Kinagiliwan ni Adan ang makipag-usap sa Diyos.

Ngunit may ibang kailangan si Adan.

Alam ng Diyos kung ano ang kailangan ni Adan

• Laging nalalaman ng Diyos ang kailangan ng kanyang mga anak

Si Adan ay pinatulog ng Diyos.

Mula sa tagiliran ni Adan, ang Diyos ay kumuha ng isang tadyang.

Mula sa tadyang ay ginawa ng Diyos ang isang babae.

Ang babae ay tutulong kay Adan upang maging masaya.

Ginising ng Diyos si Adan at ipinakita ang babae.

Minahal ni Adan ang babaing bigay sa kanya ng Diyos.

Siya'y tinawag ni Adan na Eba.

Si Eba ang naging asawa ni Adan.

Sina Adan at Eba ang mga unang tao sa daigdig.



●Sina Adan at Eba ay maligaya sa Eden.
Mahal nila ang kanilang magandang tahanan.
Nagmamahalan sila sa isat isa.

●Sina Adan at Eba ay magkasamang nakipag-usap sa Diyos at lumakad
na kasama Niya. ●

Ikaw ay nilalang din ng Diyos at ibig niyang maging Anak ka Niya

Hindi ka ginawa ng Diyos na malaki kaagad na gaya ni Adan.
Ikaw ay ginawa munang isang sanggol.

Binigyan ka ng Diyos ng ama at ina upang mag-alaga sa iyo.

●Mahal ka ng Diyos na gaya ng pagmamahal niya kay Adan.
Ibig na Diyos na Siya'y maging iyong Ama rin. ●



Ibig ng Diyos na maging maligaya ka.

Mayroon kang mga gawa-
in para sa iyong mga kamay at
isip. Sikapin mong mapagbuti
ang iyong gawain.

Sikapin mong magbigay lugod sa
Diyos gaya ng ginawa ni Adan.

Magiging maligaya ka
habang ginawa mo
ang ipinagagawa sa iyo ng
Diyos. ●

Ibig mo bang tulungan ka ng Diyos sa iyong
gawain? Isaulo mo ang panalanging ito at sabihin sa
Diyos tuwing umaga.

Panalangin

Salamat po, O Diyos, sa paggawa't paglalaro.
Ako po'y tulungan sa mga gawain ko.
Ngayon po, O Diyos, ang aking hiling
Ay tulungan ako sa lahat ng aking gagawin
at sasabihin.



Sagutin ngayon ang Ulat ng Estudyante para sa Aralin 3.

International Correspondence Institute
Phil. National Office, P.O. Box 1084, Manila

3

IKAW AY NILALANG
NG DIYOS

KAWILI-WILING GAWIN

Hanapin ang isang bagay na pinangalanan ni Adan.

Simulan sa bilang 1 at pagdugtong-dugtongin ang mga tuldok ayon sa pagkakasunud-sunod ng bilang.



Bilugan ang tamang sagot.

- | | |
|---|----------------------|
| 1. Sino ang unang tao? | Abel Adan Eba Noe |
| 2. Sino ang unang babae? | Eden Adan Eba Abel |
| 3. Ano ang pangalan ng hardin? | Adan Eba Eden |
| 4. Ibig mo bang gumawa? | oo hindi kung minsan |
| 5. Nagpapatulong ka ba sa Diyos? | oo hindi kung minsan |
| 6. Sisikapin mo bang malugod
ang Diyos sa iyong paggawa? | oo hindi. |



Sagutin ang mga ito.

7. Maligaya ba si Adan o malungkot
nang gawin niya ang ipinagagawa ng Diyos?
8. Magiging maligaya ka ba o malungkot pag
ginawa mo ang ipinagagawa sa iyo ng Diyos?
9. Anong uri ng gawain ang iyong ginagawa?
.

Ang Biblia ay Aklat ng Diyos, mayroon ka bang Biblia?

O bahagi lamang ng Biblia?

Kung mayroon kang Biblia nagbabasa

ka ba nito araw-araw?

Mga tanong, puna, kahilingan sa panalangin:

Isulat dito ang anumang tanong o puna sa mga aralin, o anumang
bagay na ibig mong idalangin ng iyong guro.

.
.
.

Ginawa mo bang lahat ang nasa araling ito?

Basahin muli ang iyong Ulat ng Estudyante para sa aralin 1, 2, at 3
para matiyak na may sagot ang lahat ng tanong. Ipadala ito agad sa
amin. Ilagay ang tamang halaga ng selyo sa sobra. HUWAG ipadadala
ang iyong aklat. Susuriin namin ang iyong Ulat ng Estudyante at
ibabalik sa iyo.

Malinaw na isulat ang iyong pangalan

Marka

Bibigyan ng kaukulang antas ang iyong Papel ng Pagsusulit na ito at
ibabalik sa iyo kalakip ang susunod na aralin. Ikagagalak naming
tumanggap ng iyong mga liham. Isulat mo sa amin ang mga
katanungang maaaring maisip mo habang pinag-aaralan mo ang
kursong ito. IPADALA ITO SA:

ICI-PHILIPPINE NATIONAL OFFICE P.O. Box 1084, MANILA